

POLIS NO TA HACI EXCEPCION MAS PA CONCURSONAN DI CARNAVAL

ORANJESTAD(AAN):--A yera den conferencia di prensa di polis, por a ripara cu e splicacion cu mando policial a duna, no a diferencia mucho di e comentario di Juby ayera encuanto e paramento di e concurso di calypso-roadmarch.

A cuminza na splica cu mester mantene nos na reglanan y cu tabata tin diferente reunion entre polis y SAC cu ASOMA splicando bon cla cu ta cuminza 7 or y termina 4 or madrugá.

A ser muestra riba e cantidad di polisnan trahando y cu mitar di e cantidad mester tabata cla diadomingo mainta pa traha pa parada di mucha na San Nicolas. E polisnan e dia ey tabata tra-



hando for di 8 or mainta.

E splicacion di parti di polis ta indica cu mester respeta reglanan cu autoridad ta pone y esey tabata conoci bon cla y cu no por sigui añaden añ afo cu cuminsando laat y terminando laat.

Tambe a usa calypso contest di Trinidad como ejemplo y cu esey ta termina 2 or di madrugá. (Nota: *Aki mester menciona cu ta 1 banda tin cu ta acompaña tur participante y no tin cambio di banda cu perdemento di tempo*).

Tambe a muestra cu e rapport di polis ta indica cu ta 20 pasa di 8 ta cuminza start e evento. (Nota: *Juby cu tin cada minuut di evento anota manera e ta haci tur aña, a splica ayera cu 8.55*

or maestro di ceremonia a habri e anochi. E notanan ta muestra cu pa 9.09 or EQO a haci test di sonido, 9.13 or EQO a warm up cu "Join e body" y 9.15 or Ramphis su "Last Lap" a cuminza).

Segun polis, 3.45 or di madrugá polis a acerca Sr. Milo Croes y avise, pero a haya como contesta cu 4 or tur cos ta cla, no worry.

Polis a indica cu 3 a 4 aña largo a laga esaki pasa. Mester tin disciplina "once and for all" y no bini cu "dunami un chance, no tin chance mas".

No tin "uitzondering" mas den futuro tampoco, segun relato di mando policial riba e sucedido.

Segun Premier Eman:

"GOBIERNO A HACI TODO POR TODO PA RESCATA "TALK OF THE TOWN"

Pero no a logra

ORANJESTAD (AAN) -- Segun Ministro Henny Eman gobierno no ta na altura di e

ultimo desaroyonan cu por ta tumando lugar na "Talk of The Town", despues cu e maximo es-

fuerzo a ser haci pa rescata e hotel.

El menciona, durante e ronda di pregunta den conferencia di prensa di diarazon, cu Ministro Tico Croes a haci lo maximo pa purba rescata e situacion, muy en particular pa e trahadornan.

"Pero lamentablemente no por a yega na comprendimento cu esnan envolvi. Nos no sa con e situacion ta awor aki pero si cu gobierno a haci todo por todo pa

evita cu e hotel bay den direccion robes.

Pero naturalmente e ta masha indirecto ya cu gobierno no tin di haber directamente cu e asunto aki. Nos a purba lo maximo pero e no a duna fruto".

Esaki ta opinion di Promer Ministro, sin embargo, e comentarionan rond ta otro, unda cu ta ser papia di un plan traha pa dos grupo local di inversionista conhuntamente cu gobierno, cual

despues di a hay a bisto bueno, a ser rechaza!.

En todo caso, informacion adicional cu DIARIO tin ta cu e situacion ta hopi tenso y cu retironan di trahador y ceramento di porta di e hotel ta loke tin na caminda, mientras cu esnan cu a pone placa aden, den pasado, mester confronta cu perdida sigur.

Enberdad ta un asunto hopi lamentable mes!.

Segun ex-trahadornan di LAGO SEA WEB OF ELMAR MESTER ELIMINA "BRANDSTOF CLAUSULE" PA PUEBLO

ORANJESTAD (AAN) -- Un extrahador di LAGO (awe pensionado) cu regularmente ta acerca DIARIO pa trece su puntonan dilanti relaciona cu e tereno di produccion y consumo di awa y corriente, a bolbe reacciona ayera tocante e asina yama "Aan Passing" y "Brandstof Clausule".

Asina e pensionado di Lago ta bisa: "Nos tin dos aspecto ora nos papia di pagamento di awa y corriente. E asina yama "Aan Passing" cu ta varia (tarifa ta subi y baha) y e "Brandstof Clausule", cu ta esun mas halto.

Tempo cu Lago a cera nos a haya riba e recibonan di awa y luz un porcentaje extra di "Brandstof Clausule". Pero Aruba no ta den crisis mas. Pakico nan no ta kite siquiera for di awa of corriente?. Paso-

bra e tarifa aki ta loke ta mata nos pueblo. Antes bo tabata paga e net pa loke bo tabata usa. Con ta posible cu situacion economico di Aruba a drecha, ante te ainda nan a sigui cobra e "Brandstof Clausule" anto riba tur dos recibo?.

Tabata tin un tempo cu prijs di crudo a cay casi na nueve dollar. Pero e temponan ey tampoco WEB a reduci e prijs minimo di awa pa meter cubico.

Mi ta invita Ministro Glenbert Croes pa den su proximo reunion cu gerencia di ELMAR y WEB invita e pensionadonan di LAGO pa nos sinta cu Wever, Lacle y Curiel tambe. E ora ey si, otro gay lo canta!". Asina leu e opinion di e ex-trahador di LAGO.

CASO SIWA CONTRA GOBIERNO DIAHUEBS AWOR

ORANJESTAD(AAN): E caso cu sindicato di WEB, SIWA a entama contra gobierno di Aruba, lo tuma lugar diahuebs awor.

Ministro Glenbert Croes den un carta na trahadornan di WEB a palabra cu e trahadornan pa e periodo di 1983 te cu 1991 lo haya mes compensacion di prijs como ambtenaanan.

Desde 1983 e empleadonan a perde 20 por ciento di salario como cu nan salario pa diez aña no a wordo ahusta na aumento di costo di bida.

E empleadonan di WEB kier ahustacion mescos cu ambtenaanan ya cu te cu 1992 nan tambe tabata ambtenaar. E trahadornan kier 15 % di aumento di sueldo y a muestra riba carta di minis-

tro caminda el a bay di acuerdo cu esaki, pero den negociacion cu ministro Eddie Croes, a ser muestra na e sindicato cu desde cu WEB

a bira compania anonimo, e trahadornan ta cay for di palabracionnan di sueldo entre gobierno y ambtenaanan.

EX-POLITICO ARUBIANO NA COLOMBIA MURI DI BOLITA DEN STOMA

ORANJESTAD (AAN): Prensa colombiano tambe a pone atencion na e caso di e Arubiano cu a fayece siman pasa na Colombia.

E Arubiano aki, Bryan Dorcher, tabata riba e lista di Partido PPA den e ultimo eleccion. E ta bibando actualmente na Canada, y recientemente a bay Colombia.

Pero como 15 bolita di cocaína lo a explota den su stoma, y pesey el a muri den Hospital Universitario di Barranquilla.

Na prome instante a kere cu e Arubiano a fayece di morto natural, pero ora di haci autopsia a haya sa cu el a muri di intoxicacion di cocaína.